



奏疏選目

卷三

茂安攘之績疏 十月

河南府推官

湯開遠



備察羣情疏 十月

祁彪佳

求致治之原疏 六年正月

南刑部主事

曹荃

圖治有本疏 二月

御史

金光辰

輔臣失職內臣越職疏 二月

左副都御史

王志道

遴才受言疏 三月

給事中

孫晉

朝廷有當全之體疏 三月

御史

李右讜

維廉耻振氣節疏

七年二月

山西提學僉事

袁繼咸

內臣展辯過激疏

三月

袁繼咸

帝系不可紊疏

十月

右諭德

許士柔

詳攷補牘以效史職疏

十月

許士柔

論中官閣部疏

十一月

兵部主事

賀王盛

陳制實八策疏

十一月

右庶子

倪元璐

陳制虛八策疏

十一月

倪元璐

遵旨具奏疏

十一月

倪元璐

奏疏卷三

錢唐朱東觀全古選輯

同郡

孫浣思嘉客嚴流子餐

評閱

茂安攘之績疏

五年十月

河南府推官

湯開遠

臣聞君猶天也。父也。臣猶地也。子也。顧天地雖懸崇卑之分。然必躋降和而後施生著焉。父子雖判橋梓之形。然必慈孝合而後作述隆焉。皇上觀祖揚宗。追堯軼舜。真今古間出聖主矣。乃宇宙之內。氛氣克塞。又似有聖主無盛治。此何繇哉。則以皇上獨勞於上。無諸臣以輔之也。皇上勇於求治。諸臣救過不給。臨御以來。明罰勅

法與工采相濯磨。自小臣以至大臣。自衆共推舉之臣。以至親簡拔之臣。無論爲故爲青。俱褫奪戍配。重譴之不少。貸甚則頻下禁獄。執迫榜掠。幾於刑亂。國用重典矣。皇。上凡以求治耳。臣謂天下固不治也。而以已治之心治之。不治也。朝廷猶未甚亂也。卽以已亂之法治之。又自亂也。報以體而重勞以說而忘。諸臣萬不敢行市道於君父。然當奉公營取。而慮及天威不測。夢魂亦驚。舊章難恃。耳目俱熒。此而欲鼓豪傑之氣。奏精勤之理。不亦難哉。夫媚於天子。盛明之象也。慘慘畏咎。式微之徵也。至如犴狴幽陰。

之地。未一繫外徼。羶裘之屬。而數以置中原。冠帶之倫。析楊慘毒之具。不盡加之亂臣賊子。而徧以施之任士勞人。臣竊痛之。臣竊耻之。且諸臣之接迹蒙譴者。皇上或以薦舉不當。疑其爲黨。爲徇堯之時。四岳不薦鯀乎。績用弗成。初未并四岳殛之也。不特在薦剡也。凡銓司一應遷擢。爲聖慮所周。果循資配望。皆當令其啓事如故。庶譽髦無積薪之嘆。而似黨似徇。亦解矣。皇上或以執奏不移。疑其爲藐。爲抗漢帝。不從廷尉之請乎。亦以釋之曰。法如是止耳。不特在法吏也。凡諸司風紀成憲。爲明問所及。

者果引例據典皆當令其修舉無廢庶小人無倖逞之心而似藐似抗亦道矣。皇上或以屬官之失并罪堂官然今之爲堂官者難矣。堂官之外又有堂官焉。故公忠之屬既願以一鳴斥而端亮之長且欲以引疾去何如還其堂屬之常可一事權而課采疇也。皇上或以官守之失并罪有言責者。第今之有言責者難矣。言責之中又有官守焉。身垣掖而驚諸曹精力既苦竝營舍封駁而勤差委輕重不又倒置乎。何如專其言責之司可定功分而廣忠益也。皇上以策勵望諸臣於是戴罪者多。然秉鉞之吏節

制之體統多淆。持斧之使激揚之故事亦格。夫不開以立功之路而僅以戴罪嚴之戴罪正無已時矣。皇上以詳慎望諸臣於是認罪者衆。第臣諒當歸過於已而蓋思亦待主之察若晰其認罪之心而槩以免冤寬之并認罪亦成故套矣。僨誤封疆之庸撫戮之宜也。正恐法紀易伸情面難破。以今之建牙者豈盡感主爵爲知己哉。皇上當時廉邊臣近狀如人地或畸便亟爲議更封疆有限庸撫無窮在不以輕任爲輕戮耳。侵欺糧餉之墨吏逮之宜也。正恐夷繇之侶不皆韓范奴來而我劔豈盡以呼庚癸者

往哉。皇上宜稍寬大吏出入聽其菟繕厚私士募死間。又在不以清吏絀能臣耳。至三時多害。寡人有難供之。逋五方交警。瘠賈無幾人之求。乃諸臣怵於叅罰之嚴。帶微壓徵。報正報餘。將無民矣。民窮則易與爲亂。皇上寬一分在臣子。卽寬一分在民生。又可不再計決者也。如此諸臣幸無罪矣。臣尤望皇上官府之際。推諸臣以心進退之間。與諸臣以禮申論。中外法司勿畏勿休。惟慎惟平。至錦衣禁獄。非有寇賊姦宄。不可以人理測者。必不入而謂大小臣工尚不感憤。圖報爲。皇上茂績安攘者。未之有。

也。臣愚無能窺聖衷萬一。然臣父先臣贈光祿寺丞湯顯祖。迨事神宗皇帝。以星變陳言。謫尉嶺海。居恒教臣事君無隱。臣佩服無敢忘。今蒙聖恩。除臣司理中州。夫司理刑官也。謹操三尺。奉揚聖慈。臣之分也。臣又思三代享國長久。莫如成周。姬公於良典獄。命太史識之曰。以長我王國。夫一典獄。敬刑尚能佐休明之曆。况聖天子神武不殺。賡颺喜起。有不太和翔洽。鞏皇圖於永永。無傲乎臣用。是不識忌諱。畢罄其忱。伏乞聖明裁察。慈母有敗子。嚴家無格虜。深督輕罪。以拂世摩俗。此申

韓之術進。而偷蔽所繇滋也。漢宣綜核名實。所輔用者。丙吉黃霸。于定國蕭望之。諸賢皆寬和敦大。修仁義以佐中興。操術殊矣。此疏感諷。明主音義明朗。而發自外僚下吏。為大臣者可媿哉。

備察羣情疏

五年十月

御史 祁彪佳

臣惟帝王乘乾膺籙。凡大臣小臣。文臣武臣。外臣內臣。皆使之各安其位。而後有以各盡其心。使之有不相惜之事。權而後有可獨責之成績。若越俎而問庖。便曠官而怠事。若瞻顧于官守之外。便虧缺于官守之中。臣竊慮之。敢畢其說。臣聞書稱克艱。詩著靖共。蓋匡弼是在大臣。而曰敬曰禮。則信任屬乎君父。邇來大僚諸席。或令再推。或點陪推在。皇上原出慎重用人之意。在臣下不無未蒙見信之疑。至于六卿九列之長。詰責時聞。引罪日見。因而覺有

急遽周章救過不遑景象卽不謂盡蒙飭以解罪亦未免
欲脫卸以潔身近日原任憲臣陳于廷以四朝遺老且被
嚴譴疲驢破帽夕出國門矣雖進退予奪盡見天心惟是
稍于國體有傷不無人情微鬱且竊恐當事諸臣皆怵于
嚴旨冀以迎合揣摩善保名位則未得振勵之效反滋悠
忽之圖臣所慮于大臣者此也諸司百執事皆皇上所
薪爇進之令其奔奏禦侮者也乃諸臣過誤相仍自武闈
數案以來或沉孤影于山林或泣寒風于狴狴漸至人多
畏事不知厚祿之爲榮念本避難反借高名以激去此世

風之極弊士氣之堪憂者夫人材有限中下半叅非藉
皇上感發其忠義則鼓舞以功名今有一二考之方伯尚
滯迹于外藩十餘載之臺員竟懷憂于維谷甚則餉司輪
遣差規欲改夫三年劇郡久虛曹郎竟難于一轉而司道
有司又或以欽件之波累由人錢糧之轉解未到降級住
俸十居二三臣子精神才具必其稍有餘地而後可以展
布發舒若復迫于功令必至苟且支吾急功赴名之心不
勝其掩罪匿瑕之念矣且也自便之私固宜去止足之義
亦宜明今一番陳請一番諭留究之請者若無解于託詞

留之亦將仍爲格例。遂有真苦真病，不得省子舍而正首丘者矣。臣所慮于群臣者此也。我國家武功造邦，高出千古。然當時如徐中山輩，皆讀書守禮，有儒者之風。而諸凡跣跣不羈之士，則必謹其銜勒，而後使詐使貪，皆得其一臂之用。皇上聞輦而思將帥之臣，寤寐求賢，同符二祖。倘得真正英雄，卽推轂設壇，夫豈爲過。但骯髒負俗，決不肯俛仰司馬之門。若必依序循資，則雖冒濫之竇，可清似亦獎拔之術。未盡至于軍國所關，莫漕運爲大。目前舊漕旣竣，新運方行，而流賊漸入中州，蠢動更憂。曹濮一綫。

輸輓阻塞可虞。諸凡回空之僨，催水次之免，發過淮過濟之限，單事屬官旂全須催督。若一幫之遲誤，一程之稽延，必待參題奏聞，始能挽遲爲速。則恐曠日旣多，誤事不小。臣所慮于武臣者此也。皇上深懲惰窳，特遣內臣，然必搜剔出于不意，奸弊乃可無遺。若撫按之事，多令監視，會同則恐同罪同功，反使互蒙互蔽。開水火之端，其患顯啓。交結之漸，其患深卽如叙功保能，荐及督撫藩臬，事雖爲公，迹亦當避。近日京營操練，復遣七人，夫虎旅赴桓。皇上誠以重干城之寄，但驟列多員，參分闡令，竊恐外間諸

弁自好者。不免因之以卸責。不肖者。遂至借此以趨承。蓋當人心警惕之初。正不妨于立異。第恐情面習熟之后。馴且至于和同。臣所慮于內臣者。此也。伏乞皇上俯鑒臣愚。特賜採納。寬之以任使之途。皆俾其竭忠于職業。嚴之于等制之辨。正所以鼓勵夫臣工。自是羣策畢集。謨烈無疆。外攘內安。治隆堯舜矣。

陸敬輿學術醇正。不激不戇。所言悉符本要。能令讀者心氣為之和暢。此奏疏所繇翔美也。斯宛同敬輿風度矣。

求致治之原疏

六年正月

南刑部

曹荃

竊惟是非者。天下之公心。徧用之。則徼幸者。生端而報復。無已。賞罰者。人君之大柄。輕施之。則習視為固然。而威勸不靈。以今人心懈弛。吏道凌夷之秋。而槩以尚德緩刑之說。雜陳于座右。臣知其無濟也。然臣在刑言刑。所求于聖明者。惟欲用法之平。且當耳。以今觀之。竊有憂焉。皇上所與共理天下者。二三執政也。自錢龍錫以輔臣下獄。而政府畏罪。一味柔隨。即安危大事。囁嚅莫敢發口矣。所與綜核庶政者。六卿之長也。自易應昌以執法重譴。而士

師懼禍巧用揣摩。卽昭然爰書游移。莫能自主矣。詞臣者啓沃之資也。自楊世芳劉必達以閱文拘謹。置之司敗。而主試一席人皆視爲畏途矣。監司守令者郡邑之綱紀也。左應選力捍危疆。聲名甚著。偶掛彈章。幾不保身。王忠孝清操自矢。囊無尺縑。禮數稍踈。隨被逮訊。而保障者無必死之志。飲藥者懷不測之虞矣。諫臣之設。欲其舉賢無隱也。王績燦吳執御。吳彥方以薦揚縲紲。而言路吞聲。雖有正人端士。不敢入告矣。直言之旌。欲其糾慝不避也。摘發厥衛之許國榮。以鉛斤落職。抵觸闈寺之金鉉。以鏡門禡

逐甚而馬思理高倬諫用中涓雅有風亮以漫不相涉之草場累月係鞫而危言賈禍宵小益肆其鋒距碩士莫措其手足矣夫三代之世坐石垂綏而民知耻者罰當其辜也。叔季之時深文峻誅而下不辱者罪浮其實也。煌煌聖世雷電日赫而恬不知警至矯激之士借以爲名高詭恢之徒因端而飾說可不爲深省者乎且皇上今日而欲行法則內臣之遣尤不可不慎也何則內臣不出則雪霜雨露皆屬君恩內臣旣出則兵刑矯竊半歸中貴今者大小臣工毛髮細過一經指摘罰不踰時而張彞憲鉅萬

賊私悉置不問。邊臣餌虜養交。立就榜掠。而王坤同蒙主
 款。反蒙優詔。然則內臣有功而無罪。有賞而無罰。有彈駁
 之權。而無斧鉞之凜。將來鴟張。又奚所底止乎。海內元元。
 誰非赤子。內外人臣。誰非耳目。平則萬物皆安。不平則百
 職俱墮。臣身在南。雖無言責。而臣職維刑。實有官守。用是
 據見敷陳。伏懇 聖明察其狂瞽。特昭廣大。既沛好生之
 仁。復開使過之路。庶執政攸司。益詳于明允。卽蒙譴諸臣
 彌勸乎浩蕩矣。

指述簡當。直摯不浮。若魏徵陳貞觀時政之失。視汲黯

良無間然。

圖治有本疏

六年二月

御史

金光辰

臣荷聖恩○拔置言路○蚤夜圖維○求不媿此言○官二字者○妄言○非所以為言○不言非所以為官也○臣伏讀高皇帝諭侍臣有曰○保國之道○藏富於民○民富則親○民貧則離○大哉王言○恩施億世○今大小臣工○在內者○綱不舉而目欲張○疑于救過不暇○在外者○瑟欲鼓而絃屢更○又苦促節相求○民田則有正額○有加派○有帶徵○又有預徵○軍田則有比○有科○有新增○有遼餉○又有雜派○吏治日窳○民胍日竭○功名念熱○者○爭誇急公美名○此曰捐助○彼曰搜括○不思庫藏有額○設

金錢此捐助搜括者從何而至王者以四海爲富小民樂利萑苻不警千倉萬廩皆稱外府夫何正額加派帶徵預徵之交迫又有搜括捐助設處之借題婪吏奸胥從中橐潤則入公帑者無幾而甲交里里交縣縣解府府解布政布政轉解部司費已不貲此種種多立名色總不過小民骨髓耳骨髓枯則羣聚爲盜及盜發而始爲呼籲之請議蠲議留議賑亦已遲矣以致徵兵調餉歲無寧日渠魁未卽授首疆宇未卽告平國家元氣傷削殆盡使前此地方守令有如不爲繭絲之尹鐸撫字心勞之陽城者安得有

此尤可恨者或戴皇上德意准免錢糧而奸胥灑派如故飛詭爲祟摠撒任手加者日加免者不免蚩蚩愚民將誰控乎間有循吏發覺弊竇而彼以舞文之手操官短長自知法網難遁逃入京邸布揭造言在京奸棍利爲奇貨而窩附之所以昏庸之令胥吏爲主官反爲客無一處不有衙蠹能脫神叢矣臣恭繹明旨凡蠲免錢糧大刊榜示以防派擾爲法甚善第猾玩成習恐仍耽閣臣聞各省直司道原立有易知單相應勅部詳畫款式或將已蠲錢糧某處某項撮總題明抄傳天下責成撫按轉行司道

先期給曉方許開徵。仍將單彙入清冊。解部磨對。更嚴禁奸宄。有犯科潛逃者。在外聽撫按。在京聽五城。遞解本轄地方發落。治以應得罪名。以清兔窟。若至軍田。又異是矣。夫比較陞科。新增遼餉。猶曰輸之朝廷。而軍官雜派。更倍臣衛籍也。但據臣鄉所聞。有見面有醬麥新米。有支應房飯。見節諸項。一入鄉村。繫縲相接。烟火皆稀。且納糧宜以收票爲據。若輩惟知徵入在手。遂不知爲朝廷物矣。償宿債。設華筵。鮮衣甘食。夜嫖晝賭。及其虧折。蒙申上司。捏作旗軍拖欠。告批隔屬衙門。任意魚肉。莫敢誰何。卽着落本

身奉旨監追。仍圖賄脫。沿村騷擾。勢如烈火。雖有收票塗面不認。復從而手裂之。徵而又徵。訴亦莫訴。若抗之。則原係本官。又是廢弁。譬如縱囚於外。擇人取償。鮮不畏之。蓋有司猶知惜體統。若輩阿堵迷心。廉隅弗顧。卽鷄豚皆負之去耳。至于假名丈量。審丁爲害尤甚。凡田各有畔。或七十畝。五十畝。三十畝。不等。高皇帝業有分授。迄後清查陞科。并勘出還官餘地。固已毫無遺土。天下新墾田地。原少。豈旣起科之田。復令起科。至于軍丁。原有定額。其中逃故。不無遷改。臣查會典開載。凡內外軍人。或有死亡戶

絕。陛。調。起。發。等。項。行。移。衛。所。保。勘。明。白。許。令。除。豁。卽。於。多。餘。軍。內。撥。補。夫。有。軍。則。有。田。正。軍。逃。故。則。餘。軍。撥。補。軍。隨。田。轉。錢。糧。操。點。逐。年。挨。頂。明。無。荒。歇。亦。皆。註。有。定。期。查。審。百。姓。以。安。靜。爲。福。奈。何。創。起。意。中。恣。行。擾。害。衛。官。空。閑。無。事。鑽。營。差。委。富。者。賄。全。貧。者。破。累。弁。役。飽。腹。閭。井。吞。聲。卒。于。朝。廷。奚。補。也。爲。今。日。計。除。有。山。坡。開。荒。水。堤。蕩。洗。各。方。地。土。規。則。不。一。外。槩。宜。禁。止。混。報。丈。量。以。蘓。殘。喘。無。令。貪。弁。藉。端。煽。詐。至。審。丁。則。遵。照。嘉。靖。元。年。奏。准。每。五。年。一。次。攢。造。編。軍。文。冊。亦。定。五。年。一。審。合。宜。釐。飭。盡。杜。紛。囂。不。得。

無。風。生。波。詭。稱。審。丁。致。滋。多。弊。臣。又。查。嘉。靖。十。二。年。議。准。各。該。撫。按。官。選。委。指。揮。千。百。戶。催。督。屯。糧。其。掌。印。巡。捕。領。操。等。官。不。許。朦。朧。營。管。侵。盜。仍。選。有。司。佐。貳。官。一。員。協。同。收。支。互。相。覺。察。毋。得。和。同。侵。尅。今。宜。師。此。意。每。季。衛。官。徵。糧。完。日。繕。定。二。冊。一。留。備。查。一。送。該。管。有。司。用。印。鈐。蓋。以。便。覺。察。稽。考。如。違。坐。罪。庶。重。徵。雜。派。故。智。難。行。而。識。字。旗。件。不。致。通。同。作。弊。矣。臣。仰。體。皇。上。軫。念。百。姓。至。意。觀。茲。軍。民。交。困。因。思。國。家。經。費。百。出。何。一。而。非。民。力。綠。林。竊。發。何。在。而。非。民。窮。留。有。餘。于。葑。屋。正。以。留。有。餘。於。朝。廷。欲。入。爲。

皇上守其疆土。何如人自為守其身家。俯仰時事。敬循職掌。思之灼見。察吏莫先安民。安民即以戢盜。端不外此也。捐助搜括。巧取媚上。吏胥交蠹。民不聊生。致盜賊徧中。原雖有善者。亦無如何言之。良可扼腕。強兵無策。在察高皇帝立軍屯之意。而修復之。此則軍田軍丁所宜猶加惠者。是疏誠治本篤論矣。

輔臣失職內臣越職疏

六年二月

左副都御史

王志道

呈上

竊惟皇上差委內臣。不過核錢糧兵馬物料而已。原非假以大臣小臣官評吏議也。邇年以來。參疏日上。論劾漸廣。內則糾科道六曹。外則糾方面督撫。又內則糾六曹卿貳。今則糾輔臣矣。此臣所謂越也。夫國家之設輔臣。不但責之以叅贊廷議也。宮中府中。陟罰臧否。皆無非職掌。若使內臣糾核方面。以侵撫按之權。而撫臣不問。內臣糾核御史。以侵掌院之權。而輔臣不問。內臣糾核六科給事中。以侵掌吏垣之權。而輔臣不問。內臣糾核卿貳執政。浸浸

乎口含天憲手持朝綱而輔臣尚不問則將焉用彼輔臣哉詩不云乎揚園之道猗于畝丘言自卑而高也陵夷之漸日甚一日始而忌蒞馬終而迫堂簾遂使內臣得以操其長短肆其刺詆勢所必至無足怪者且中外諸臣其糾內臣者多矣輕者紛紛去國重者下獄置對而輔臣不能救也豈久告出不使人知耶將欲問而不能也抑能問而不欲耶臣仰見皇上天地之心內臣外臣原自一視至公也近來內臣所糾輒蒙報可其糾內臣者未見一行輔臣何不舉而一體言之以成天地之公臣仰見皇上

日月之照顯核密察各有本末亦至明也就內臣中間有奉法循職者擅權越局者原自不同輔臣何不舉而分別言之以成日月之明臣見皇上雨露之澤體悉羣臣無所不周至仁也今之建言者與被言者或放歸田里猶可引分自安或薄示降罰猶可勉力補過至下法司下詔獄如馬思理高倬王忠孝孫肇興等實無不赦之罪而有可原之情輔臣何不一舉而以解網爭之以速雨露之澤若此一事中外無不以之責望輔臣而尤以之責望首輔首輔于此必極力擔當乃或可自安如再嘿嘿憤憤何以仰

副明主知遇諄諄諭留之意哉。內臣之得失漸莫敢言。南
 北之水火構鬪已極。固廷臣之患亦非內臣之利也。雖然
 猶可言也。士氣易激亦易靡。名誼易爭也。勢利亦易合也。
 自今以前固患其爭。自今以後猶慮其合也。合則角口且
 化為稱頌不可言也。履霜堅冰由來者漸不見其形。願察
 其影。皇上清明在躬。睿照如神。何隱不燭。豈特蕘言抑
 臣心所不安。不敢有隱于君父之前。且備員執法。不但
 輔臣有以道事君不可則止之義。即微賤陳力就列不能
 者止之分也。

明體持平之論。風規殷切。不媿漢御史大夫。

遴才受言疏

六年三月

給事中

孫晉

臣竊觀自古聖帝明王所與共天下者不過此賢士大夫而已。未聞有厭棄一時而欲借才異代者。慨自中外諸臣弗稱任使。我皇上不得已而乃時為糾虔士習未破士氣先靡。國事無濟。國體已傷。識者致嘆今日有君無臣。凡屬衣冠能無疚心。雖然才難自古言之。皇上於被罪諸臣或云降罰示懲。或云使過勵後。即近日銓臣發單咨訪。何莫非仰副皇上求賢若渴之意。而以觀於今日之人。才何如哉。始猶誑誤見於庶僚。今且幽囚及於九列。人徒

見其有可念之勤劬。而一時蒙譴之故。倘未能薄海共知。將毋令勞臣任士。聞而解體乎。且夫智者千慮必有一失。或因偶涉之謬。而遂累其生平。惜才貸錯。其謂之何。昔高皇帝論用人之道。曰。人之才智。或有長短。因短棄長。則天下之才難矣。若惟見其小節。未覩大端。而輒置之。乃有天下無賢之嘆。文皇帝嘗顧侍臣曰。君人之道。犯極惡。則不宥。有小善。亦不棄。人就無過。論小過而廢大善。則為善者怠。煌煌祖訓。炳如日星。用能闢億萬世久安長治之基。若惟知以督責神鼓舞。曾不欲以愛惜為培養。則凡

人始終安能逆覩。且夕皆難自必。誰復為國家奏功者。夫至大臣無戀主之思。小臣有投閒之念。雖非誼所忍言。然而禮忠之訓。不可誣也。願皇上之慎思之。至若言者為國家之血脉。榮衛賴以流通。嘗聞之。使言猶恐不盡。即皇上於建議諸臣。亦率荷優容。乃近王志道。以大吏而膺顯黜。遂覺一時顧忌之念重。而諫諍之意衰。不願為鳴鳳。願為寒蟬。此無他。以皇上之喜怒為言路之通塞耳。臣竊慮之。古人一言出而能令天子改容。大臣避舍。雖其上之重言。亦言者之有以見重。今則庸庸若此。又何怪乎蒙

譏之禮臣。至比彈章如蟬鳴蛙鼓。而莫之忌耶。此臣願
 皇上於省繁言之中。更有以作敢言之氣。而併以是為諸
 臣一正告也。抑臣愚猶有進焉。勉虞帝知人則哲。蓋惟
 其知賢。是以任賢。勿貳。惟其知邪。是以去邪。勿疑。方今
 聖明當務之為急者。得毋在茲乎。故臣誠不敢謂師濟盈
 朝。但皇上不得不於其中擇而任之。果使貞邪各見其
 真。自然賞罰互成。其是若斯。纍纍而竟無一可信之人。無
 一可聽之言。以及退而謀之。冥鴻在野。誰作轉圜之望。擯
 斥方新。且有永棄之虞。是必別有以稱上使者。然後可固

知聖明在御。萬無他慮。第恐宵小伺隙。頃刻未忘。如逆案
 之李桂芳。且以身試矣。此又陰陽剝復之機。不可不深慮
 也。

宏雅和正。不傷詭激。入告之善章也。

朝廷有當全之體疏

六年三月

御史

李右讜

臣見戶部尚書畢自嚴因鄭友玄代輸金花銀兩奉旨
 着法司提問輦轂之下無不驚駭既而自嚴囚服匍匐往
 詣犴狴道路屬目無不咨嗟臣昨從邸報中觀其回話一
 疏于友玄之代輸屢奉查核一明旨乃當日浮寄緣故竟
 未明白剖陳自皇上責以欺玩而立下之理真所謂自貽
 伊感也但思皇上于股肱心膂素加優渥而于祥刑慎
 獄尤注軍宸衷今自嚴于六卿之內首膺宮銜非小臣比
 也專握計務已閱陸載非新進比也且聞曩時奴變倉皇

奏疏

卷三 朝廷有當

三

李

籌畫儲糈毫無缺誤。又非安居坐嘯比也。合之律例八議。所謂職事官三品以上及大將吏守職奉公議貴議勤均似可以比附者。且以事情虚心推究。友玄熱中考選輸銀俸進罪首也。自嚴始緣護惜。繼成支飾罪次也。首犯罪狀尚未訊明。波累之人先淪圍土。輕重已似失倫矣。且自嚴年既衰暮。病復纏綿。憂鬱煎熬。必致委頓。如或溘先朝露。卽異日者終徼皇上解網之恩。欲湔浹以自新其路。奚從乎。臣幼誦漢臣賈誼之言曰。簾遠地則堂高。簾近地則堂卑。三公之貴。天子已改容而禮之。則不宜復加以係縲。

古者刑不上大夫。所以豫遠不敬也。又聞谷永之告其主曰。記人之功。忘人之過。宜爲君者也。犬馬有勞于人。尚加惟蓋之報。況國之功臣哉。誼之語蓋爲漢相周勃之逮繫而發。永之疏亦緣陳湯有定西域之功。而以言事下獄也。卒之兩主轉圜以聽矧。皇上堯舜比隆。吁咈無間者乎。臣亦非敢謂自嚴之罪。可以槩置不問。第祈皇上稍示寬容。豁其囹圄。俾束身私寓。俟友玄解至。日同治以應得之罪。庶于三尺之法。大臣之體。兩無所虧耳。臣又思陽和寒沍。乃四序之恒經。風雨雷霆。繫神工之不測。偶值肅殺。

太過。已覺庶類不堪。況乃摧擊頻加。未免元和有損。臣伏見今春以來。九列之內。或以狂言被譴。或以瀆請蒙褫。今復摘至再三。其勢必將抱蔓。我皇上量同天地。恩猶父母。震疊之所施。原屬生全妙用。但宥過矜愚。嘉與更始。實羣工所共祈。而匪一二人之私念也。又臣于自嚴原非同鄉。亦無舊識。上年以帶解新餉。誤參經年。無端受抑。然臣從國家大體起見。自不敢以私隙而嘿嘿處此也。

大臣束縛係縲。輸司寇編徒官。虧辱國體。所傷甚大。況以微罪遭摔抑乎。漸至頑頓無耻者。進而少好廉隅者。

退。欲寄心膂難矣。此匡救之疏。斷非盛明所宜諱也。

維廉耻振氣節疏

七年二月

山西提學僉事

袁繼成

臣待罪禮曹督學晉省實有磨勵士習之責顧微臣兢兢
 守科條耳紀綱風動全藉廟堂捧誦明綸惓惓首崇德
 行大哉王言千古作人之的無逾此者臣思士德行無
 他須以廉耻氣節為端管子曰禮義廉耻國之四維孔子
 亦曰行已有耻明乎士自待貴知耻也又聞事君有犯無
 隱宋儒亦曰直言敢諫之士必仗節死義之臣明乎士事
 君貴直節也蓋有廉耻然後有風俗有氣節然後有事功
 明主知其然故為之委曲以養其心多方以作其氣誠以

廉耻道喪。忠諫弗聞。天下事有不忍言者。臣竊嘆。皇上禮士最優。求言若渴。天下之士不能仰體。聖懷棄廉耻。墮直節也。故敢申。德音于天下。臣觀數年以來。士大夫風節掃地矣。獨賴。皇上主持于上。一時所極放者。非媚璫之逆監。卽降虜之叛臣。故明以廉耻風示天下。使洗心濯慮。共耀休明。不意至今。有不可異者。如總理戶工二部內臣。有覲官齋冊之令。臣度。皇上允內臣之請。所重特在清理文移。剔釐奸蠹。萬萬非欲羣臣屈膝內臣也。乃此令一出。靡然從風。內臣旣以此示重。大臣不能以此力爭。

遂使上自藩臬。下至守令。莫不次第參謁。屏息低頭。得免呵責爲幸。嗟乎。一人輯瑞。萬國朝宗。諸臣未覲。天子之光先拜內臣之座。士大夫尚得有廉耻乎。臣猶記逆璫方張時。乾兒義子爲之。尚出不告朋友。入不告妻子。昏夜拜伏。自以爲羞。今且白晝公庭。恬不知怪。入覲諸臣。雖有賢者不敢立異。以抗功令。不几率天下而無耻耶。夫此諸臣計事旣畢。留部有耳目之寄。還職者有民社之司。奈何令屈辱至此。試思國家自有覲典。二百餘年來。曾有此風俗乎。此臣所爲太息也。乃若諫官以言爲職者也。古昔宰

相上殿。則諫官隨之。其敢諫能言者。有琴瑟鍾鼓以和其
 心。有黃金廐馬以旌其寵。惟不言。則有墨刑。言而被罰。此
 衰世事。非興朝所宜有也。近見科臣李世祺以論輔臣溫
 體仁吳宗達等。皇上既降罰之矣。復罪及考選之銓臣
 吳鳴虞。夫世祺所言當與否。天下自有公論。即鳴虞律身
 汶汶。降調亦不足惜。所可惜者。非祖宗選用諫官初意
 耳。語曰。養鳳欲鳴。養鷹欲擊。若鳴而箝其舌。擊而繼其羽。
 養鳳與鷹何益。竊謂朝廷之于言官。何以異此。且夫大臣
 者。皇上之股肱也。言官者。皇上之耳目也。大臣有過。

言官不得言。言之。則斥為比邪。皇上試問言官。以從諛
 大臣者為邪乎。糾正大臣者為邪乎。言官與大臣忤。則以
 為比。令言官與大官合。交結詭隨。漫無可否。其為內比禍
 不更烈乎。臣伏覩皇上虛衷無我好賢納諫。此必非
 皇上意。即偶出皇上意。為大臣者亦當以崔羣李絳文
 彥博為法。委曲申救。廣皇上諫諍之益。不當降此重罰。
 以箝天下之口也。此令一出。臣恐人人以是為戒。今知推
 考選在。即銓臣必將徧問諸臣。曰。汝必不叅大臣。然後授
 之臺諫。是養鳳而不欲其鳴。養鷹而不欲其擊。臺諫相與

括囊免咎為大臣者終其身無敢議其後此大臣所甚利
 忠臣所深憂試考之祖宗設立言官初意二百餘年來
 曾有此事體乎此又臣所為大息也夫皇上所最重者
 廉耻而天下誤以跪拜中官為朝廷之令甲皇上所樂
 聽者直言而天下誤以攻彈貴近為天子之厭聞若此者
 非皇上自為挽回其波不止伏乞皇上渙發大號布
 聖懷于天下勅諭總理內臣以後當以清覈錢糧為事
 不必屈辱外臣以明一己之重更勅銓部諸臣以後考
 選臺諫仍當取其不避權貴直言無隱者光昭言路不得

以容嘿充數玷清班而誤國家如是廉耻立正氣伸下可
 維天下之士習上可廣聖主之聰明雖中外諸臣聞而怒
 臣恨臣臣不惜也臣一片拙忠不敢以內外易念實見廉
 耻氣節二者為士砥德立行第一義敬循職掌陳其區區
 以推廣皇上作人之意伏乞皇上垂聽
 入覲輯瑞參謁內臣諫官敢言罪累銓選若不亟為挽
 正風節頽敝何底止乎毅言侃侃大有裨於名教

內臣展辨過激疏

七年三月

山西提學僉事

袁繼咸

臣日有計典告成一疏首及覲官參謁內臣事惟自循職
 掌以廣皇上培養士節之意荷蒙聖度優容不即罪
 斥微臣感激繼以泣思惟恪遵明旨勉供本職何敢復
 有瑣陳頃聞總理太監張彛憲有疏陳辯臣取邸報讀之
 見其滿紙機鋒字字詬罵彛憲自矜為如簧之巧臣直等
 諸底蛙之鳴不屑角亦不欲角也惟是事關典制誼難忍
 嘿則不得不平心為彛憲質焉彛憲所展轉求勝惟尊朝
 廷一語臣以為尊朝廷莫大於尊朝廷之典例知府分屬

有司見藩臬行屬禮爲典例見內臣行屬禮亦典例乎故
事諸司至京先謁吏部各衙門投冊爲典例先謁內臣亦
典例乎事屬典例所共守雖坐受猶以爲安事屬彙憲所
自創卽長揖祗增其辱臣伏觀高皇帝建官立法各有
深意內臣自巾服靴帽皆與外臣有別而猶嚴交結之條
此非內外異視也內臣有內臣相臨之禮內臣不得繩外
臣猶外臣之不得繩內臣若必欲以內臣繩外臣會典所
不載以故國家二百六十餘年來內臣未有受外參跪者
有之止王振汪直劉瑾數人彼皆駭赫一時穢流千古彙

憲躬事聖明正宜恪昭軌度臣前疏愛外臣以節政愛
彙憲以禮彙憲何以規爲嗔坐臣以蹴芻重罰夫路馬不
齒禮豈爲內臣設而乃妄引爲殺臣穿乎臣恐威權漸燂
斧柯難尋自此有大於外臣參跪者誰復敢撻其鋒臣身
不足惜天下事亦大可寒心矣猶可駭者惟天稱命惟君
稱命彙憲何人藩臬何官輒敢入告曰止命之揖位在貂
璫儼然命令自處尊朝廷者固如是乎臣立身頗有本末
以御史降調京俸將及三年始陞僉事不爲躡陟至儒者
道德必宗孔孟千載而下誰敢比擬若文章弗如蘓韓彙

憲以爲弗如。臣誠弗如。但小臣無辭免之例。義惟有求斥耳。伏乞皇上俯從彙憲言。將臣立賜罷黜。以洩彙憲之恨。以終全臣廉耻自愛愛人之心。臣感恩世世。何憾焉。臣于彙憲素昧生平。有何成心。前疏實從士習人心起見。而彙憲口不擇音。朋黨二字。豈宜挑激於聖明之世。且彙憲清核錢糧。亦既有日。金錢節省者。幾何。不加賦而用足者。幾何。總理伎倆。槩見而徒屈辱守令。自明尊大。亦何益於朝廷之有無乎。古今治亂。間不容髮。伏乞皇上博觀史冊。自爲社稷大計。彙憲卽再有展辨。臣恃聖明在上。不復置喙矣。

引禮秉義。屹然不回。以紂囂詬。以維名節。惟其所據。典正則立言剛直。此疏可垂史冊矣。

帝系不可畧疏

七年十月

右論德
兼侍講許士柔

臣備員史局執事神廟熹廟兩朝纂修之役得於

皇考實錄大端目涉手鈔反覆參訂尤加詳覈竊以為本

朝實錄一書即古帝王本紀史家編年遺意也其間提綱

振目最重且大莫若聖作明述世系相傳之際故總紀之

則父子母后之倫書之必其備分紀之則兄弟同宮異寢

之序書之又必其明惟明且備乃為實錄此定體也以臣

觀於皇考改錄世系獨畧萬不可解此不可以當代闕

文傳疑後世臣積慮於中欲陳已久今請為皇上備陳之

帝系不可

帝系不可

許

而加裁察焉。臣謹按原錄萬曆三十三年乙巳十一月十四日皇考第一子生命廟諱孝和皇后出此熹廟篤生之自所當書也。後三十四年丙午十二月二十八日皇考第二子生命某名孝和皇后出追封簡懷王。後三十七年巳酉七月十五日皇考第三子生命某名母選侍王氏出後三十八年庚戌十一月十六日皇考第四子生命某名母選侍李氏出此諸王子通生之自所當書也。迨至我皇上鳳乳龍興之瑞孝純皇后捫天懷日之祥亦實在萬曆庚戌間則聖母氏族所自出封號

所自隆錄中固自當具載。皇上娠教之年聖誕之日命名之典潛邸之號錄中尤自當表明蓋必如是而後倫備而序明可以見皇考當時前有為之作後有為之述後宮多倪天之媛五葉肇承乾之胤暨乎聖母麟趾之並麻王母葛藟之綏福昭代盛烈誠可以光示於天下萬世無窮也亦必如是始見我皇上帝立之最奇天命之攸歸三代以來所未有而昭代二百餘年所僅見也乃臣所閱改錄則考以皇上娠教之年聖誕之日不書也命名之典潛邸之號不書也臣不能解也更考以聖母出

何氏族受何封號不書也。臣不能解也。而且徧及諸王之
 生與所生之自花萼相輝之美。鳴鳩並飼之仁。不書也。臣
 不能解也。所書者止三十三年乙巳。皇考第一子而已。
 夫皇考實生五子。而何以獨紀其一。皇上實有四兄。
 而何以竟遺其三。臣不能解也。且臣同官文震孟所言此
 改錄所筆焉者也。筆焉而不信。天下萬世猶得按其筆而
 正之。若今臣所言此改錄所削焉者也。削焉而不著。則將
 使天下萬世讀皇考實錄者。謂聖躬之誕降。果何辰
 謂聖母之發祥。果何姓。謂其間花萼相輝。映者。又果幾何。

人是使。聖朝父子母后兄弟之大倫。皆缺而不具。晦而
 不辨也。臣所謂不可解者。此也。或者為之解曰。皇上之
 誕降。聖母之發祥。在皇考之錄。雖不書。而萬曆三十

八年。皇第五孫之生。當必書之也。臣則曰。自仁率親。上
 而至於祖。自義率祖。下而至於禰。祖廟尊而遠。何若
 禰廟親而近。以明明天子。不大書於禰廟。皇子之列。
 而附書於祖廟。皇孫之列。此何可為訓也。又或為之解
 曰。皇上之誕降。聖母之發祥。在皇考之錄。即不書
 而天啓初年。皇五弟之寇婚冊號。當必書之也。臣則曰。

父子相傳之謂世兄弟相傳之謂及總錄一本之繼體須
 辨兩宮之各乳况冠婚册號乃成立以後之典禮誕降
 發祥乃哲命初生之本原本原蚤已不著典禮何自而加
 以明明天子不蚤揭其天錫岐嶷之始而雜見於籒邸
 婚封之列又何可為訓也若此者其在當日筆則筆削則
 削果無之耶抑有心耶其無心也是玩帝系而輕削之不
 可詞也其有心也是紊帝系而故削之是可忍也孰不
 可忍也今原錄雖不藏史成然聞當日之史臣嘗挈而藏
 之閣中矣皇上試命典籍搜取詳加睿覽此段紀載

原錄有是乎無是乎原錄而有之則原錄宜復也原錄而
 無之則改錄何以不補也况原錄之成在皇上潛邸之
 日而統系之詳慎如此及改錄之成在皇上御極之初
 而統系之慢忽如彼將何以傳信天下萬世也抑宮闈更
 有大典今日不容不著明者考元貞皇后皇考之元
 配也遯青宮承飾之春則當以萬曆三十年二月書大婚
 以正其始迨副禕掩綵之冬則當以萬曆四十一年十二
 月書辭御以正其終而今錄勿書也天下後世考皇考
 元配之始末者將何徵也孝和皇后熹廟之所鍾慶

也。在承華懸矢之辰。業已於萬曆三十四年三月。書封號。以著有初。至景殿驚葭之夕。亦當以萬曆四十七年三月。書辭御。以著有卒。而今錄又勿全書也。天下後世。考熹廟鍾慶之始末者。又將何徵也。至孝純皇后之辭御日。月已載諸祀典。而其年亦不著於錄中。此又所當詳載者也。臣所謂總紀之欲其備。分紀之欲其明者。此也。總之今日之錄。本紀編年之意。微而提綱振目之法。泯義例不問所重輕。筆削不衷所緩急。而臣于皇考實錄。尤獨註詳者。則以列聖實錄。祇取當年之行事。分著本年之條目。

而遂可備一王之書。皇考實錄必以一月之紀載。備舉四朝之大綱。而後可以成一代之史。此臣所以積慮于中。欲陳已久。不能不為皇上備悉之。而仰祈聖裁者也。事係帝王統系。言之不得不詳。臣不勝激切戰慄待命之至。

昭晰典核。文筆矯健。一字不苟。史臣之偉製也。

臣前蒙恩命撰述實錄中書誕書婚書封冊母后著焉

臣前蒙恩命撰述實錄中書誕書婚書封冊母后著焉

臣前蒙恩命撰述實錄中書誕書婚書封冊母后著焉

臣前蒙恩命撰述實錄中書誕書婚書封冊母后著焉

臣前蒙恩命撰述實錄中書誕書婚書封冊母后著焉

詳攷補牘以效史職疏

七年十月

右論德兼詩講

許士柔

臣前有帝皇世系一疏仰祈聖鑒按取原錄詳加參訂

以定信史奉旨實錄體裁自有累朝成例不必復滋煩

議臣恭繹明綸敢不敬懼奉持無容再瀆然臣中夜思

維平且憬然竊有不得已而言者則臣嘗攷之累朝實

錄矣臣未暇全舉卽以我太祖高皇帝二十五子憲

宗純皇帝十有四子其最盛也而實錄中書誕書名書婚

書封冊母后著焉仁宗昭皇帝十子世宗肅皇帝八

子亦最盛也而實錄中書誕書名書婚書封冊母后著焉

次及妃嬪公主以至冠婚典禮莫不燦列昭如雲漢。是帝皇世系未嘗纖毫不具錄中此成例也。從未有以不書世系爲成例者也。但我皇考在位止是一月其世系書法旣不能如列聖條析於編年之中自當挈要提綱統列於總紀之首而臣閱改錄掛漏殊甚卽我皇上聖母孝純皇后竝未紀載其餘可知且臣邈此錄告成之日在皇上元年二月是皇上登大寶旣半年矣我朝列聖一帝止生一帝而我皇考一帝而生二帝則爲臣子者以皇考總紀之首篇紀皇上龍興之盛事自是

千古無兩之美業而改錄不然反舉原錄而刪削焉則臣前疏所論列者政謂夫改錄與累朝成例有所不合也。如果合成例臣又有何言若原錄總紀則世系明備仰祈我皇上試宜取詳覽其是非得失必有瞭然者此臣前疏所謂原錄宜復也乃臣積慮詳訂前疏有未敢深言與未及悉言者以聖明在上臣安敢復隱而不吐以朦狗滋戾其一日高皇后之祭典宜書也蓋禮莫大於祭祭莫重於始祖而國家以八月初十日高皇后忌辰祭奉先殿先二日奏祭此萬世不祧之廟制累朝實錄

所必書。而世宗肅皇帝以是日聖誕。議先期受賀。議同日
舉行實錄。所載尤詳。今皇考元年八月初十日。奉先
殿行禮。弗書也。若曰不舉而不書。則以皇考之孝敬。必
無此失節。若曰舉之而不書。是以臣子之忽玩。陷皇考
於廢禮也。且是月初八日。孝康皇后之祭。則書初二日。
先師孔子之祭。則書而何獨漏於高皇后也。其一曰。孝
端顯。皇后之爲嫡母。宜書也。夫分莫尊於正嫡。而恩莫大
於保聖。當孝靖皇后封號。未加我皇考。青宮未定。而
貴妃顯號。先隆之日。國本幾危於震。號天心幸託諸坤。

寧商山之羽翼。曾未能轉日而河洲之荇藻。乃可以補天
在當日調護之苦心。真千古慈聖之極。則乃至今外廷
尚論夾輔之功。而中宮不言顧復之德。卽貴妃尚見
封后之諭。而嫡母不著其恩。勤之勞。此真天理所必不
可磨。而人心所必不容泯者也。臣所謂未敢深言者。此也。
又其一曰。皇考之冠禮。夫冠禮成人之始。嘉事之重。與
婚禮竝書。累朝可攷也。况古者天子之子十五而冠。而
皇考以二十而冠。卽以二十而婚。視列帝嘉禮後期。已甚
此其危疑震撼。所關特重。今何以不書也。其一曰。皇考

之○公主○夫○公主○同氣之至親○內戚之至貴○與○皇子
並書○亦○累朝可攷也○蓋古者男女異長○以辨內外○而
皇考本育八女○所存三主○則寧德遂平樂安○其筭字于歸○
皆骨肉毛裏○所係最親○今何以不書也○此臣所謂未及悉
言者此也○凡此皆大經大法典章首務○聖明在上○臣子
所當有言無諱○而○皇上孝思無窮○所當下○明詔○令史
局著之本錄者也○至於書法之宜繁宜簡○則以○列聖在
位○多歷年所○其於編年○既詳○則於總紀○可約○而○皇考在
位○止是一月○夫既○不暇○編年○自當詳於總紀○此史官之事○

臣業已具揭閣臣無容贅瀆○聖聽也○臣職在史局○叨祿
十有餘年○外無疆場汗馬之勞○內無民社端城之績○惟是
討論故實○次第編摩○以供史職○庶無涿官○故敢不辭數瀆○
仰祈○聖聽○

實錄爲昭代正史○使纂修多踈畧○何以示法萬世○其間
宜載者不詳○則有不宜載者妄錄矣○非敬共恪慎○明體
識要○奚足與此職乎○此䟽具徵勤篤矣○

論中官閣部疏

七年十一月

兵部主事賀王盛

竊惟中官監視之撤不容躑躅閣部輕重之權關乎治忽。項臣昧死陳言幸迺譴責而區區之愚猶有未盡者。蓋臣之請罷監視也。願皇上以世宗皇帝為法。考嘉靖之世。羣胡方強。島夷數動。其時天下非無事也。然各邊各省鎮守中官相沿于正德之舊者。自嘉靖八年以後。用輔臣張孚敬及本兵胡世寧言。悉以裁撤。皇上英明神武。同揆。肅皇迨獻歲發春之時。臨御亦八年矣。作述相承。恰在今日。如謂欺玩非璫。不清查飭非璫。不可則聖如太

祖不必有典兵預政之防。斷如宣宗不必有恃寵作威之禁。而孝宗皇帝日與內閣劉謝諸臣密議于暖閣平臺。欲奪內侍權盡復。祖宗舊者何勤勤懇懇若斯之銳也。且如肅皇在馭邊防曷嘗不有隕壞邊吏曷嘗不有欺玩既寇棘而才難似當以權宜剔弊爲務而肅皇于此斷之無疑。謂非所以詔來茲而履霜之漸不可不深長思也。故雖有廉如阮安忠如雲竒賢如覃吉懷恩陳準之流除給事掖庭皆非其職。而況此中善類百無二三。皇上至嚴明也。權馭而威籠之至不測也。而閭思印先聲所

至猶能逼殺縣官。其橫如是。脫以此曹貽之他日。聖子神孫當復何如。若夫醜正瞻諛傾危構陷文武臣僚俛首吞氣而莫敢誰何久矣。一旦根株盤結黨類繁滋。漢唐殷鑒不寒心哉。所謂中官監視之撤不容躊躇者此也。高皇帝洪武十一年勅六部尚書得自奏事取旨不得關白。中書十三年罷中書省不設丞相。陞六部尚書之秩以省務歸之。祖宗立政之意至深且遠。故累朝繼統皆閣部相參委任無間。如三楊蹇夏及劉健謝遷馬文升王恕之屬並寄腹心咸在左右。故洪熙宣德弘治之政休明。

熙洽光于二祖自嘉靖以來人主罕與羣臣廷決事
事可否悉取裁于票擬內閣始以代言之任凌尚書出其
上于是大臣喘喘願旨若六曹吏而今無變也進退人材
非閣不決軍功爵賞非閣不先尚書接迹請事于朝房而
閣臣者務爲深嚴矜重以示招麾惟我之態皇上試察
今日朝廷之事有一不稟于內閣者乎古人所謂集思廣
益吐握勤勞恐不如是夫旣散中書之政于六部而復歸
六部之政于中書則是顯避其名而陰操其實使天下後
世謂我朝有不食堂封之宰相不開府第之三公彼姓名

不出于金匱枚卜不參于廷舉而得之者愈糾而愈橫忽
恙而忽痊安能引止足之分崇廉耻之防化恩仇之見而
捐威福之柄哉夫庶事不可以一人理雖文武之聖兵刑
禮教猶分職于六卿皇上試取周官立政諸書及累
朝實錄觀之明良恭交自可概見然而此大事也言出禍
隨勢無全理獨念臣之一身爲皇上所成就而報稱無
路惟欲引朝廷之大體明祖宗之舊章竭其愚心控達
宸聽卽糜碎于奸橫之手其甘如飴皇上第採臣言深
思遠覽以杜攘權壞紀之漸時時廷見九卿商畧機務則

靈長之業實式憑之。所謂閣部輕重之權。關乎治忽者。此也。臣以死奮筆。惟聖明垂察。疑外用內。徒滋器玩。非長策也。然國家勢有積漸。外廷踈濶。權歸票擬。惟將順之意多。故陰移而不覺。部院承文書行事。此祖制所繇。難復也。慷慨本憂。可謂亮思。鑒遠。

陳制實八策疏

七年十一月

右庶子倪元璐

臣所謂制實者。慮失之一瞬。後必難為。故先言之。蓋最急莫如離虜。交昔漢先零。羌與諸羌解讐。交質趙克國。以為至秋必變。今奴插勢并虎翼。飛食涇鎬之事。慮在來春。宜勅樞臣。秘通邊吏。乘茲方合。伐其本謀。凡古離交法。惟用間。陳平之離項。范燭武之離晉。秦魏武之離韓。遂馬超慕容。龐之離宇文。高段並能挽膠漆為水火。俾疆境危而復安。今獨何為。橋足拱胸。坐承禍患。一也。其次曰繕旁邑。奴用兵無他。長而微。知聲擊潛。虛之法。向以吾備。關即不趨。

關而趨口。今知吾備口。又不趨口而趨雲上。度其再來。必不趨雲上。而趨薊。又必不逼京城。而抄旁城。其抄旁城。必不先乘堅。而乘瑕。今巖郡雄州。或亦猶知守計。誰近畿玉田。三河。豐潤。平谷等邑。土墉低頽。可超而越。有如虜入。因此爲糧。即使游奕逍遙。我亦坐困。宜急勅各處。及時增庫繕薄。大修守具。庶可以堅壁清野。奪其久持。二也。其次曰。勵守兵。頃者宣大之役。不禦不追。罪繇將吏。嬰城力守。勞在師徒。今罰行賞稽。臣慮沙中從此偶語矣。臣查守兵月廩不及戰糧五倍。今京士完師而返。賞不踰時。援卒驕

蹇不前。猶然厚奉。相提而論。誠似不平。昔唐邠寧兵衆。以神策賞殊。怨憤變生。可爲殷鑒。謹條二議。一或量給賞資。勵其守氣。一或倍增糧額。責以戰功。猝有邊烽。遂可不煩征調。三也。其次曰。靖降夷。夫收夷非計。而旣云不拒。則江統徙戎之論。又非可拘于今。何則。以今歸來。皆散丁零衆。非如魏晉五部。氐秦鮮卑之比。近者諱逃。卽繇我人挑誘。惟慮釁端。已見終善爲難。調馭之方。存乎權智。蓋不在主將甘苦與共之情。而在行伍蕃漢不分之跡。使得各無猜貳。或聽互爲婚姻。視癭猶肉。癭亦何害。否則突厥九成之

變動可憂虞四也。其次曰益寇餉。秦晉流寇蔓延日滋。苟圖必勦。勦必可得。惟以餉匱每來疾呼。臣惟竭天下以奉遼左。不以爲厲。今秦晉自急。還使自饋。又曰非宜乎。請聽兩省以舊賦之半。新賦之全。留輸行間。以茲小移。必有大省五也。其次曰儲邊才。夫邊才難辨。比于隔垣而觀。正使有之。何容易信。臣惟上智自繇。天授餘材。皆本習成。練習之功。自非一日之積。請凡近邊縣令。責部設法。選掄科貢。罔拘。惟求英茂。因著爲令。減俸超遷。三年見能。卽陞本道。而自僉臬。以至藩長。悉亦覈其成績。減俸加銜。本方節鉞。

之才。卽取諸此節鉞。無缺則加三品卿銜。照例三年一任。其子如此。則以戎馬軍旅爲家。當塞責者稀。而有不次世及之恩波。願從亦衆。況巡撫一席。而儲畜以待者。嘗得數人。亦不至臨事周章。旁求生手。若云名器世官。無庸驟昇。不知成敗之論。自有致歸成。則茅土猶輕。敗則追除自易。六也。其次曰奠輦轂。昔漢徙富民以實京師。豈無深意。蓋無事則衆貧。樂其通潤。有警則羣心倚其重遷。此卽無形之金湯。實在之兵食。今都城蕭竭。不忍見聞。車戶動至傾家流商。嗷然載路。重之市井。無賴以告密爲佃漁。每一波。

牽輒連數十幸而得雪家已蕩然所以凡昔所號巨賈殷
 家悉無兼辰之食五方游衆無所依歸剝劫公行職此之
 故誠恐一旦告急人無固心掉臂開門勢所必有宜急議
 培養無靳膏澤通草豆官買之例以省他徭推停罷訪察
 之恩而寬小蠹酌甦商之策塞告密之門汔可小康馴臻
 大定七也其次曰嚴教育國家之所以教者二教官以秘
 館教士以辟雍今以治才爲實際儲之宏文一入金門遂
 稱閒局又容與焉是化有用爲無用也欲使無亡所能莫
 如教習教習之法宜大更絃古事經史今事典故遠事

祖憲近事時宜凡所誦著考索悉取諸此又或設爲處分
 時相問難以深微其意窮致其才祭宴會簡游謁日省月
 試灼然有程館師察至報成閣臣論定以請平章之具則
 亦優優矣至于援納旣革貢舉將興兩雍司成畧倣館條
 厲施鐘鐸何患功能不出德行不興八也凡此八者苟得
 行之臣妄謂可以禦患持危補偏救倣伏候 聖裁
 覃思碩畫議絕浮游動見學識之淵古

付之悠忽。勿以瑣務示其周詳。恩怨不橫其胸。好惡必循人性。毋徒傷元氣。而情面仍存。毋浮慕精明。而叢脞實甚。凡侃言必有深慮。毋一筆抹殺。以遏羣謀。凡至理必有定歸。毋雙票游移。以嘗上意。毋以意見。讐獨立之士。毋以聲顏拒來告之人。如此則才識自生。勲猷自著。今師濟名碩。雅懋虛懷。臣亦志希他山。用資吐握。一也。其次曰。伸公議。吏部左侍郎張捷。無端保奸。致激羣論。其在今日所爲。去留。非徒邪正之關。實亦安危攸係。何者。凡彼死灰竭計。惟幸家國多凶。所以向者盛傳勾虜之謀。已而卽有邊才。

之薦。今見首功無恙。卽云大勢已移。竿牘金錢。麋興蟻至。從茲擾擾。必多事端。不觀袁弘勲。以訟楊賈。褫勘潘國禎。以薦劉詔。承刑何獨於今。衆惡必察。且昔年逆案之定。聖意本以弭爭。故如鄧英持正。尚云違旨。鐫官豈以張捷背公。終聽覲顏。就列乎息。焚遏萌。是在乾斷。二也。其次曰。宣義問夫。祖考者。臣庶所欲崇戴。以明忠豐。芑之懷。雖迂有道。內臣者。外庭所當摘剔。以明異排。闡之論。雖戇。有名如近日詞臣許士柔。方闡先徽。倘終度閣。惟恐世傳其說。皇上永言垂則之義。未彰。昨歲憲臣王志道。

抗爭內遣如久沉淪惟恐下享其名而皇上權宜姑試
 之心猶晦所關譽望冀留睿思三也其次曰一條教夫
 致一則不亂涉兩則生奸如卓異本求循茂而厲以考成
 之格於是撫按不能治貪殘例轉本處庸凡而美以優陞
 之名於是公論不得問摧折會推既容羣議而所禁乃在
 把持於是盈庭之語默無主館員既重官評而敷試仍以
 文字於是閣部之取舍難憑凡期政在必行要使人無可
 抵盍求畫一以定歸趨四也其次曰慮久遠夫弊必原其
 自始法當慮其所終故循事始之觀則兵譁必繇於將劣

民亂繇於紳豪武繇於文尊宗辱必繇於官玩為
 要終之論則劣將易制而譁兵難制豪紳易制而亂民難
 制文吏易制而武臣難制有司易制而宗潢難制抑揚
 操縱宜有權衡若矯偏過平懼貽後累五也其次曰昭激
 勸凡卹死之典皆所以勸生自劉之綸以庶常片語而
 佐樞王來聘以武第踰年而秉燹遭被非常安能不死要
 在二臣之死亦有難能之綸叱馭嬰凶來聘先登遇害法
 應殊卹顧反寥寥天下皆謂皇上驟貴無功之人而薄
 酬死事之節負氣之傑因之沮心請自今茲懋弘斯義怒

蛙駿骨俱可致功六也。其次曰厲名節。孔子疾沒世無稱。詩曰：庶幾夙夜，以永終譽。古之聖人，期人以名如此也。今或見人表異，輒詆好名。臣愚惟懼世不好名，所以每多敗名之事。又況人惟事著，所以名隨。苟其事之無可名，豈浮好之而可得乎？至於在位無才，皆因骨柔節墮。昔人求將畧於犯顏，敢諫此非虛言。原夫畏敵之情，無過畏死。斧鉞之與鋒鏑，其為不畏，豈有殊哉？氣至則膽安，膽安則智出。摩厲之術，必握其原七也。其次曰明駕馭。督撫大吏，古之所稱連帥，全資威重。彈壓諸州，若其不任，或至僨轅更置。

何難。褻逮亦易。惟當受事臨戎之際，小形過差，此可鄭重責成。勿事頻加呵讓，誠恐氣失沮喪。覲臨將吏，非招五日。京兆之玩，即懷鬼朴。又來之疑，勢必倉皇亂謀。苟且救過八也。凡此八者，苟得行之，臣妄謂可以興世正俗，定治成功。伏候 聖裁。

進謀根本。言言弘卓。誠定治之訐謨。匡時之毅策也。宋璟蘓頌傳中，未見有此偉奏。

遵旨具奏疏

七年十一月

右庶子 兼侍讀 倪元璐

臣本迂儒妄言兵事，皇上不以為罪，顧荷疇咨古之至聖問棘問童，則有如此。臣感服中奮昧死上言，臣惟用兵伐交之道在審彼已，我強盛則勢格聲禁之耳。先零羗通謀匈奴，義渠安國召斬其渠三十餘人，又縱兵擊其種人，斬三千餘級。羗雖小貳交，亦以攜阿魯台心，冀部署女直吐蕃文皇帝片辭折之，亦遂止息。凡此二者，臣度今日有所不能力，不足則愈尊謀，故臣以為無如用間也。間者兩疑之術，若以今日之勢言之，惟得疑奴，使不收插，不能疑。

插使不歸奴何者插力竭畏奴抱頭西奔又不能自制其
 衆使無東向顛蹙日甚不歸奴何歸凡伐敵謀者必明敵
 情其情在于畏死救亡而吾又無能為助此雖使蕪張復
 生烏能離破之哉然自臣所見亦有可乘臣見插既苦奴
 而又失賞于我失賞于我而又不能取償于奴其所得因
 奴為利者無過附奴入犯耳以插附奴入犯度奴必厚責
 其資糧而薄遺以鹵獲如此插雖歸奴更益窮困其不能
 一日弛心六十餘萬金錢明矣始吾以其勾奴絕賞屢要
 不許此誠正論若在今日羈縻之法又有難拘請聽邊臣

設計招揀即有請求無罵其使惟厚要信誓能絕奴又為
 我堵截予半賞更斬獲獻功者盡給如舊以此餌插即以
 此疑奴是即間也其又或可為者臣聞奴性殘忌得我遼
 人不能用又虐使之其遇插衆度亦猶然果爾二憾在彼
 如得密通遼將使勾誘插衆叛奴來歸成則坐渙其羣即
 覺露亦使相猜自賊此燭鴈室鼠之術也其又未盡者惟
 在邊臣相機制變陰陽施設廟堂所不得授謀豈臣所得
 慮乎臣所慮者以今邊人皆不知用間今之所為間者皆
 非間也凡間之道有如伎戲變山化車吞刀浴火非有情

實要自難明。是故陳平惡草、慕容牛酒、察其所持，皆不可。以欺三尺童子，而卒使項范乖其魚水，高段棄其牲書者。非徒其美多謀，遂也。亦繇其行間之人，與其事會，猝忽爍。閃移情飾態，使見者不覺觸之憬心。今則不然，名爲用間，甚于正告。如頃之役，堂堂正正，走一介之使，持尺一之書，以招麻鮑。此豈可得麻鮑有銖黍之信，奴衆有銖黍之疑乎哉。誠得邊臣竭其計數，傳以神明，又多募飛趨，敢死游談，出沒之輩，飛長耳目，徧廣腹心，間必可行，謀必可伐。故臣以爲凡攻守募練，備禦調間之計，專責邊臣，無有撓制。

封疆之事，則猶可爲也。臣觀邊臣之不効，始于牽掣。終于依附，牽掣能者之憂，依附庸人所樂。是故監視之遣，可以暫嘗，不可久持者也。二年以來，邊臣之情，較往已異。往猶負氣欲明，骯髒今則能盡中沮歸命，軍容無事，稟成爲恭。寇至推諉，百出陰幸，藉力逃罰，陽以號于人曰：吾不自繇。此臣所甚歎也。皇上神武嚴明，著于天下，今但厲責邊臣，以固圉圖功，而信賞必罰，以持其后，欺玩自破，何苦以其近習之人，試之鋒鏑，躬冒不韙，適予邊人以徑，又使藉口，迄用無成哉。始皇上曰：行之有緒，卽撤。今行之無緒。



原件短缺

P1-P23

益宜撤敢因明問推原及之伏惟聖明裁察
 用間在於餌插邊臣失謀致奴坐大智謀之士惟有長
 嘆息而已然此要非筆舌所能傳事在慎擇將帥哉

奏疏卷三

終

人不捐一矢而畢此役目今四夷知中國有聖人將聞
 風慕義之恐後而又奚賴乎觀兵乎哉此聖人以道治天
 下之明效也抑臣聞之有天德始可語王道其要只在慎
 獨故聖人之道非事事而求之也臣願皇上視朝之暇
 時近儒臣聽政之餘益披經史日講求二帝三王之學求
 其所為獨體而慎之則中和位育庶幾不遠于此而得之
 至于用人誠係當今急務猶在致謹於好惡之原以決用
 舍之路若武生新授吏科給事中陳啓新者片言投契立
 置清華委稱一時盛事第本生言有大而近誇情似要而

有挾未可遽定其品請皇上先令以冠帶歷事黃門稍
如試御史例俟數月之後果有忠言奇計足以折大姦斷
大疑決大計然後與之實授未晚不然將如名器可惜何
古之聖人刑一人而必使千萬人知所懲爵一人而必使
千萬人知所勸操勵世之權者猶不可苟焉以處此也夫
以我皇上天縱聖明卓卓具有希堯舜之志而一時
爲之臣者不能以道事君徒取一切可喜之術以熒主
聽使國論愈紛治效愈後臣竊痛之伏惟皇上斷然以
堯舜爲必可爲而求之於堯舜之道則上有好者下必有

甚誠使天下皆回心嚮道以事一人而天下有不治者未
之有也若云法制禁令而已短長之效已見于今矣伏念
臣羸病餘生一旦蒙恩起自田間擢置二卿雖捐糜何
圖報稱茲當受事之初不禁主憂臣辱之義輒敢效此
款款極知迂腐無當高深萬一而堯舜其君之懷不敢自
後昔賢惟聖明少垂乙夜之覽儻臣言可採得以立見
之施行卽與臣以出位之誅臣雖身膏斧鉞亦所以畢報
稱之職分也

仁義道德躬修已素其敷之於言自粹然一出於正誠

所謂真儒之學醇乎其醇也。靜思詳繹使人置身伊周間矣。

申對揚之忱疏

九年三月

工部右侍郎

劉宗周

臣方席藁間捧誦明綸仰見皇上虛懷盛節雖於微臣之言出於狂瞽之極者猶然不廢採擇至逐事商求藹若家人父子之告語而且許臣以硜硜之能臣乃不覺撫心欲絕繼之以轉展廻環而猶不容已於對揚之忱也臣請遂以堯舜之道進夫堯舜之所以爲聖者非以其事業之巍煥也與哉而本之乃在十六字之傳不過致謹於人心道心之辨求其所謂中者而執之繇是以之官人而知人則哲以之治天下而安民則惠極其效至於黎庶風動蠻

夷率從堯舜之道。所爲約而易操者如此。我皇上英明不世出。又生而遠乎聲色貨利之習。固已完具一堯舜之心矣。惟是人心道心。不能無倚伏之機。纔出於人心。而過不及之端。已授之政事之地。卽求治而過。不免於害治者有之。而吾故不自知也。時時而提醒之曰。得無與亂同事歟。此一念謹凜道心爲主。皇上已一日而堯舜矣。今日堯舜事業。詎不願慕。又若姑自退託焉。何也。無乃徒求之事業之著。而反失其心源歟。夫事業至堯舜而無以加矣。然夷考其時。洪水爲災。昏墊阻饑。遍天下。又乘之以有苗

之亂。當不減於今日之勢。而堯舜不以其故。貶聖亦止恃此執中之心法。勞於求賢而用之。以坐待昇平。計其時已不啻數十年久矣。皇上而誠以堯舜之心爲心。政不必預期其事業。而轉生一退託之心。以爲不可幾及也。惟是有君無臣。千古同患。若明諭所云。貪欺成習。真不能自追斧鉞。而臣以爲轉移化導之權。終不外人主之一心。漢臣賈誼有言。視之以犬馬。彼將犬馬自爲也。視之以奴隸。彼將奴隸自爲也。然則視之以股肱。心膂。彼未有不股肱心膂自爲者也。雖堯舜之時。豈無巧言令色。孔壬其人。而

顧以爲不足畏。一時君若臣爲賡歌喜起於一堂之上而已。流寇之爲中原毒也。原其初固朝廷赤子也。語曰撫我則后虐我則讐。皇上但心堯舜之心耳。不患寇之不還爲吾民也。卽四夷非我族類而兵革之威終不如聲教之訖。皇上但心堯舜之心耳。不患四夷之不終歸我戎索也。夫宋代不必備有宗藩方鎮宦官之釁而夷狄之禍實始於王安石。一時君臣驟起幽燕之議。勢不得不加賦病民。於是君子競起而爭之。爭之不得而黨論興。空國之禍作。馴至蔡京用事。決計圖遼。卒見賣於金人。而宋遂南渡。

此所謂開門揖盜也。自此諱言恢復。國勢奄奄。猶賴朱呂諸大儒道學一綫相與彌縫。關失卒延南渡之業。幾二百年。至航海之後。文信國且奮起而扶三百年已絕之綱。嘗一時人心風俗之厚。又有如此者。則亦千古得失之鑒也。今天下自皇祖以來。不幸有朋黨之說。崔魏之亂。首殺天下之學孔孟者。而一網空之。謂之門戶。自此人人知利祿。不知廉耻。知身家。不知君父。士風之壞。有繇然矣。今聖明在御。漸開蕩平之路。而葛藤未斷。媒孽時聞。終致人才之落落。屈指先朝遺直。無如惠世揚一人。而受錮興

朝者十年而後用。若鄒維璉之病也。而用。孫慎行之垂死也。而用。猶恨其用之不早。則此外可類推矣。皇上誠鑒及宋事。請必以堯舜之道率天下。使天下皆學爲孔孟。求杜朋黨之說。於是廣起廢之途。酌薦舉之格。并絕天下希旨生事紛紛上書媒進者。庶士風丕變。而國事可圖也。總之天下之治。從本源上爲之。則事不勞而功集。自教化中流出。則神不役而智周。此堯舜事業。所以上下與天地同流也。故夫君志定而後天下之治成。天將以皇上再開唐虞之治。惟是永堅厥志而已。若微臣識本迂踈。未諳時

務。仰承天語戒飭。敢不夙夜黽勉。以期追於自誤。誤國家之譴。統祈 聖明鑒察。

諄諄忠告。一本孔孟微言。不負所學。古語於今不誣。

微臣職分看詳疏

九年四月

大學士 錢士升

昨蒙發下武生李璉致治在足國一本
 御批改票此票
 乃臣所分擬愚昧鹵莽無當
 聖心臣不勝惶悚當即隨
 首臣商酌另擬恭進矣乃臣原票實出血惘有不敢不為
 明主忠言者臣惟自流寇蔓延所在蹂躪
 皇上憫生民
 之憔悴懲吏治之貪殘因陳啓新之言擢置省闈豈真謂
 其言遂為確論哉毋亦借此以磨礪縉紳動其愧懼耳乃
 比來借端倖進者實繁有徒然未有如李璉之誕肆者本
 內言縉紳豪右報名輸官而欲行首實籍沒之法此衰世

亂政載在史冊。目不忍觀者。而敢陳于聖明之前。小人無忌憚。一至於此。真所謂讒說殄行。震驚朕師。不容于堯舜之世者也。其曰縉紳豪右之家。大者千百萬中者百十萬。以萬計者不能枚舉。臣不知其所指何在。就江南論之。士民富家數畝。以對大率以百計者。什之六七。以千計者什之三四。以萬計者千百中一二耳。江南如此。他省可知。而乃動稱千萬百萬。即敵國之富。不應至此。何誕妄也。且所惡于富家者。為其兼并小民。魚肉鄉里耳。然郡邑之有富家。亦小民之利也。何以明之。凡富家必有莊田。有莊田

必有佃戶。佃戶力田完租。以便富家辦納糧稅。而因收其餘。以養八口。至于穡事方興。青黃不接之際。則富家出母錢以貸之。而商賈之擁厚資者。亦以質庫應民之急。且富家之用物也宏。凡養生送死。賓客游觀之費。百工力役。皆仰給焉。則是富家者。固窮民衣食之源也。不寧惟是。地方水旱。則有司檄令出錢儲粟。平價均糶。以濟饑荒。一遇寇警。則令集莊客。繕器械。以助城守捍禦之用。即今日因糧輸餉。富家居多。而潁州士民李樹韋謙。以家丁一千協力捍賊。事猶較著。故富家者。非獨小民倚命。亦國家元氣所

關也周禮荒政十有二保富居一焉今乃以兵荒之故歸
罪于富家之股削議括其財首實而籍沒之此秦皇所不
行于寡清漢武所不行于卜式者也有是理乎今天下自
秦晉楚豫以及江北郡邑土寇竊發已無寧宇未蠢動者
獨江南數郡耳卽被寇地方所與有司共守孤城者僅一
二縉紳及民之稍有身家者耳若此議一倡在在生心是
使無賴亡命之徒相率而與富家爲難也是使海內之縉
紳豪右富商大賈盡化而爲窮民也不驅天下之民胥爲
流寇不止大亂之作必自此始矣我皇上圖治恤民方

將比隆堯舜而小人進言乃欲與亂同事臣竊痛之且從
來盜賊劫掠必借富家爲口實而後疾貧喜亂之民從而
禍之或疑此輩爲流賊心腹倡此橫議以搖動人心則其
包藏禍念寧直借端倖進已哉臣叨陪心膂似不必有言
且又不宜獨言但此事關係治亂不小而看詳分屬臣手
故不敢不盡其愚以犯後言之戒伏望皇上鑒臣血誠
屏絕橫議毋使小人因陳啓新之進以言利窺朝廷則人
心定而亂萌消實宗社生靈之至幸也
福國消亂之書寧言之如此懇至固昔賢愛君之誠不

獨大臣風采也。

輔臣以去明心疏

九年四月

御史

詹爾選

項臣具疏、駁陳啓新、因而責備冢臣、與諸輔臣、蓋為大臣、擔荷不力、狗默不言而發也。乃近閱邸報、大學士錢士升、有微臣職分看詳等事一疏奉旨詰問、臣不勝驚異、及得輔臣與李璡疏合觀之、而後知輔臣有不忍不言之情、且有不得不疾呼之勢也。俄而輔臣引咎求斥矣。俄而遽奉回籍調理之旨矣。明乎輔臣之以票擬去、執爭去也。夫大臣所以不肯言也。其源在不肯去耳。今輔臣肯言矣。去矣。上可對九廟之式、憑下可質後世之清議、隱以去就。

悟明主顯以氣節風百僚臣實榮之而獨不能不為朝廷
 惜此一舉也蓋皇上所不滿於輔臣者為其以心膂之
 臣而致疑於聖明之主耳臣則有說焉孔子曰君有諍臣
 父有諍子夫臣子之有諍皆從疑起也不疑而又何諍古
 來一德之世孰如唐虞維時臯陶矢知人安民之謨而禹
 輒曰惟帝其難之然則千古以上之能疑其君者莫如禹
 而舜未嘗以此貶聖且鰓鰓焉惟恐禹言之不盡也故從
 顯處諫者小臣之事也而從疑處諫者是謂幾諫此真大
 臣事而不意其以過慮無當於皇上也且輔臣所言者

為何事乎李璡不識皇上為堯舜之君而敢導以非情
 非法荼毒富民鄉紳從來庸主所不屑為之事此關一錯
 大亂將興正輔臣憂心如焚之時而忽又奉有改票之命
 因是揣摩未當亦繇驚懼愈深遂不覺抗章之汲汲耳竊
 謂輔臣此舉差強人意皇上方加許以示鼓舞之不暇
 顧以為相疑以為要譽耶夫人臣無故而敢疑其君非忠
 也若乃全不敢疑謂吾君為萬舉萬當以是為信其君者
 恐只容悅之借名亦非忠也人臣而習於沽名義所不敢
 出也乃人主不以名譽鼓天下使其臣爭為尸位保寵習

成○寡○廉○鮮○耻○之○世○界○又○豈○國○家○之○利○也○况○今○天○下○疑○皇
 上○者○恐○亦○不○少○矣○何○也○以○天○下○人○對○皇○上○皆○中○材○以○下
 之○品○也○知○嘗○而○不○知○變○知○平○而○不○知○奇○知○法○後○王○而○不○知
 遵○遠○代○如○尚○方○劍○不○靈○將○卒○驕○懦○日○甚○聖○意○恩○禮○感○激
 威○於○斧○鉞○也○而○人○見○億○萬○之○生○靈○徒○以○供○韎○韜○之○逗○遛○貪
 員○則○或○疑○過○右○武○穿○扎○與○操○觚○並○課○非○是○者○弗○錄○聖○意
 取○聰○明○才○伎○分○注○於○騎○射○以○助○武○臣○之○不○振○也○而○人○見○賣
 牛○而○買○馬○絀○德○而○齊○力○徒○使○強○寇○溷○跡○於○道○途○而○父○兄○莫
 必○其○子○弟○則○疑○緩○於○敷○文○免○覲○之○說○行○上○意○在○乎○黜○民

困○臣○亦○以○為○甦○民○困○也○而○或○疑○朝○宗○之○大○義○不○值○數○萬○路
 費○之○金○錢○駁○問○之○事○日○煩○上○意○在○痛○懲○姦○頑○臣○亦○以○為
 懲○姦○頑○也○而○或○疑○明○啓○之○刑○書○能○當○幾○番○加○等○之○紛○亂○其
 君○子○憂○驅○策○之○無○當○其○小○人○懼○陷○累○之○多○門○明○知○一○切○苟
 且○之○政○或○拊○心○愧○恨○或○對○衆○歎○歎○種○種○隱○情○有○難○殫○述○輔
 臣○不○過○偶○因○一○事○代○天○下○而○發○憤○耳○而○竟○鬱○志○以○去○也○輔
 臣○之○去○也○以○言○而○自○後○之○大○臣○恐○無○復○敢○言○矣○大○臣○不○敢
 言○而○小○臣○愈○難○望○其○言○矣○所○日○與○皇○上○言○者○惟○此○苛○細
 刻○薄○不○識○大○體○之○徒○似○忠○似○直○如○狂○如○癡○售○則○挺○身○招○搖

敗則潛形逋竄。駭心志而燭耳目。毀成法而釀隱憂。天下事尚忍言哉。伏乞皇上以遠大宅心。以簡靜率憲。責大臣弼違之義。作言官敢諫之風。嚴勅內閣下部院大臣。不得以去輔士升為戒。寧獻可替否。無藉口。聖明獨斷。掩皇上之謙冲。寧進禮退義。無藉口。君恩未酬。飾自家之濡滯。務期上下交格。志氣聿新。於以覩廓清平治之猷。成綱紀風俗之美。庶幾有日矣。

英讜高峙。霞舉玉立。如曉鍾晨發。朗鏡孤懸。使見聞者咸生省悟。

熹朝信史宜成疏

九年十月

給事 馮元飈

臣待罪禮科。與聞掌故。每見鉅重諸務。類多廢弛。習為固然。莫之省究。如謚法五年一舉。所以風世也。今或有再訪而無一報。曆法終古不易。所以奉天也。今或持各是而滋大疑。積怠成荒。蓋難枚舉。第以四郊多壘。未敢一切具陳。至若實錄一書。則萬世是非之衡。亦一時勸懲所恃也。凡禮樂沿革。征伐次第。刑政施設。群臣功過。四夷朝貢之類。莫不具載。太祖高皇帝曰。國史貴于直筆。是非善惡。皆當書之。使後世觀之。不失其實。世宗肅皇帝曰。史之可

否○一○出○于○公○非○公○則○鬼○神○亦○察○之○在○祖○宗○之○世○重○史○若○此○而○又○慮○其○書○藏○之○金○匱○副○在○秘○書○人○欲○見○之○有○不○可○得○更○就○其○事○輯○爲○寶○訓○以○傳○於○天○下○使○天○下○賢○者○有○所○勸○而○不○忠○不○孝○之○臣○有○所○畏○至○盛○典○也○故○歷○朝○以○來○雖○御○世○長○久○事○蹟○繁○重○實○錄○之○成○無○踰○至○數○年○者○今○熹○廟○之○政○前○後○七○載○實○錄○故○事○以○月○繫○年○總○其○成○書○不○過○八○十○餘○卷○耳○夫○古○之○修○史○者○或○訪○諸○故○老○或○採○及○輜○軒○故○其○編○次○至○煩○折○衷○匪○易○若○我○昭○代○則○法○制○旣○詳○官○事○畢○具○在○翰○林○有○起○居○之○職○在○六○朝○有○章○奏○之○抄○在○內○閣○有○票○擬○之○籍○纂○輯

磨○對○豈○待○九○年○何○徇○何○疑○坐○成○廢○閣○此○固○非○一○政○一○事○之○蠱○情○也○臣○嘗○誦○孟○子○曰○孔○子○成○春○秋○而○亂○臣○賊○子○懼○天○啓○之○間○是○稱○陽○九○其○爲○忠○逆○殆○亦○多○途○法○誠○所○陳○至○非○渺○小○徒○以○實○錄○未○上○寶○訓○弗○傳○遂○使○衆○志○紛○營○猶○思○擾○溷○保○奸○舉○逆○蠅○集○兔○爰○外○患○未○寧○其○漸○方○長○臣○所○竊○竊○良○抱○深○憂○非○敢○過○執○硜○迂○徒○于○奮○武○之○秋○漫○作○揆○文○之○論○也○伏○乞○皇○上○毅○然○獨○斷○卽○勅○所○司○將○實○錄○寶○訓○立○行○竣○役○如○寶○訓○頒○而○是○非○曲○直○有○不○合○匹○夫○匹○婦○之○公○者○許○廷○臣○據○實○糾○正○按○治○如○法○如○此○則○人○心○自○定○政○體○肅○然○天○下○幸○甚○萬

世幸甚。

史籍不昭。是非邪正。無以推究。端委所關。實鉅匪徒。文章曠廢也。亟修成而頒示之。卽艸野亦翹望焉。

微臣身切時艱疏

九年十月

工部右侍郎 劉宗周

臣因病乞骸奉 旨回籍行次天津始知逆奴入犯首震

陵園遂破昌平而南下臣不禁摧心欲絕者久之因臥疾

津城月餘經賊鋒往來南北所過州縣無不殘破伏惟

皇上上厯 列祖之病下切萬姓之讐當不知如何焦勞

日與在廷臣子薪膽共誓臣又不勝痛絕比聞賊勢飽颺

漸思北遯臣乃稍稍解維離津城而南駐交河地方回瞻

天表愈增馳戀敢遂芻蕘一言爲當宁獻臣惟我 皇上

注意邊防自己巳巳以來無日不綢繆未雨而夷狄之禍一

至于此追原禍始張鳳翼小有才而器識不足久已溺中
 樞之職矣一日賊奴闖入偵探無聞調援不速動成束手
 行間之任益非其人可知也朝廷又從而嘗試之卒至于
 敗事不聞政府有主持兵垣有封駁則當事諸臣有不得
 辭其責者而臣以為此非一朝一夕之故也往者已已之
 變坐誤國者袁崇煥一人其他不過為法受惡耳有小人
 者競起而修門戶之怨舉朝士之異已者概坐以煥黨因
 日中蜚語次第置之重典或與削籍去自此小人進而君
 子退中官用事而外廷浸踈于主馴至人人解體事事

規卸文法日繁欺罔轉甚朝政日隳邊防日壞以有今日
 則今日之禍實已已以來釀成之也且夫以張鳳翼之溺
 職中樞也而與之征何以服王洽之死以丁魁楚等之
 失事于邊也而與之戴罪何以服劉策之死諸鎮巡勤
 王之師爭先入衛者幾何人而不聞以逗遛蒙詰責何以
 服耿如杞之死而今也幸以二州八縣生靈結一飽颺之
 局則廷臣之纍纍若若可幸無罪者又何以謝韓爌張鳳
 翔李邦華諸臣之或戍或去豈昔之一一為異已驅除者
 今不難以同已互相容與乎臣于是而知小人之禍人國

無已時也。昔唐德宗謂群臣曰：人言盧杞奸邪，朕殊不覺。群臣對曰：此乃杞之所以為奸邪也。臣每三覆斯言，為萬世辨奸之要。故曰：大奸似忠，大佞似信。我皇上聰明不世出之主也。其于賢奸之辨，何有不燭炤數計？然臣觀頻年以來，皇上惡私交而臣下多以告訐進，皇上錄清節而臣下多以曲謹容。皇上崇勵精而臣下奔走承順，以為恭。皇上尚綜覈而臣下瑣屑吹求，以示察。凡若此者，正似忠似信之類，窺其用心，無往不出于身家利祿。皇上往往不察而用之，則聚天下之小人立于朝而皇

上亦有所不覺矣。人才之不競也，非無才之患，而無君子之患也。人人知有身家而不知有君父，知有利祿而不知有廉耻，則亦相率為全軀保妻子之計而已矣。此今日國事之所以敗也。今天下即稱乏才，亦何至盡出一二中官下而皇上每當緩急之際，必依以大任。此在前日已成覆轍，方亟亟更絃之不暇，而乃者三協有遣，通津臨德復有遣，益又重其體統。等之總督中官，總督將置總督于何地？總督無權，將置撫按于何地？是益以封疆為嘗試也。且小人與中官每相比以相為引重，而君子獨岸然有以

自○異○故○自○古○有○用○小○人○之○君○子○而○終○無○黨○比○中○官○之○君○子○
皇○上○誠○欲○進○君○子○退○小○人○為○今○日○決○消○長○理○亂○之○機○而○猶○
復○用○中○官○以○參○制○之○此○明○示○以○左○右○袒○也○當○是○時○乃○有○明○
于○治○理○者○起○而○爭○之○則○亦○天○下○之○昌○言○也○臣○意○皇○上○即○
不○遽○用○其○言○亦○何○至○并○逐○其○人○而○御○史○金○光○辰○竟○以○此○一○
事○遂○若○惟○恐○傷○中○官○之○心○者○猶○非○所○以○示○天○下○也○嗟○嗟○言○
官○亦○何○負○于○國○乃○者○唐○藩○拜○表○而○勤○王○亦○有○思○徐○生○之○
徒○薪○者○乎○大○帥○擁○兵○而○不○戰○亦○有○問○李○勉○之○尊○朝○廷○者○乎○
其○他○觸○邪○止○佞○請○南○昌○之○上○方○者○亦○自○不○乏○其○人○而○往○往○

逐○之○以○去○遂○至○天○下○相○顧○為○寒○蟬○結○舌○之○狀○平○居○無○犯○顏○
敢○諫○之○臣○則○臨○難○無○仗○節○死○義○之○士○此○天○下○事○所○以○日○壞○
一○日○而○不○可○為○也○至○于○近○日○刑○政○之○最○舛○者○成○德○傲○吏○也○
而○以○贓○戍○何○以○肅○懲○貪○之○令○申○紹○芳○十○餘○年○監○司○也○而○以○
莫○須○有○之○鑽○刺○戍○何○以○昭○抑○競○之○典○至○鄭○鄭○久○干○鄉○議○而○
杖○毋○之○獄○或○以○無○告○坐○何○以○示○敦○倫○之○化○此○數○事○者○皆○為○
故○輔○文○震○孟○引○繩○批○根○即○向○者○驅○除○異○已○之○故○智○而○廷○臣○
無○敢○言○者○人○皇○上○亦○無○從○而○知○之○也○嗚○呼○八○年○之○間○誰○秉○
國○成○而○至○于○是○臣○不○能○為○首○揆○溫○體○仁○解○矣○語○曰○誰○生○厲○

階至今爲梗體仁之謂也。仰惟皇上念亂圖存，首以進君子，退小人，爲挽回世道。張本於是，植人才以資幹濟。開言路以斷大猷，仍請急罷三協通津之使，專一責成中外。諸臣各修職業，不致再以人國爲僥倖，則宗社生靈實式憑之。而體仁所以爲桑榆之收者，庶幾在此乎。不然而徒計出于苟且，繇今之道無變今之俗，十日戒心，叵測捲土重來。天下事尚忍言哉。伏念臣羸病去國之身，非不知緘默可以自全，然熟念今天下安危呼吸之日，雖江湖滿地，總無投生之路。卽臣不言，又誰爲皇上言之者。臣寧言

而冒斧鉞之誅，終不忍不言而坐視國家有危亡之禍也。臣無任激切。望闕呼天，哀控之至。

危言正論，憂勤懇懇，忠誠所至，自不覺其痛切淋漓。讀之涕泗欲垂，直以爲過孔明出師表也。

慎喜怒以回天䟽

十年閏四月

右中允 黃道周

臣坐狂瞽自廢五年不圖殊恩又逢再造去歲秋盡驚聞奴警匍匐入都萬里載途經冬始到自謂七尺殘軀已非臣有頂踵可効不敢自存然自元正見朝以來依阿澳忍遂歷春夏出無一語可報聖明入無一言可對衾影還顧往年自請使鮮經理東江之事俱成噬夢淒然淚下緬觀自古忠蓋之臣竭力致身有懷必盡未有自欺其心以欺其君頑鈍不肖如臣今日者臣自度血氣已衰學問不進利疚威休事事創心怔忡之餘遂成痼疾正擬

呼顛乞身自投溝壑而雨澤未降雲漢其勤方陛下宵
旰殷憂之時羣臣修省惕厲之日臣雖無知安敢自絕然
觀邊圉洊驚寇攘式內廉耻道衰人心盡喪非有獨立不
懼有質無貳之臣必無以灑發肅心湧除暮氣而諸臣過
自懲艾苟免朝夕無敢爲陛下昌明其說者勿論其他
卽如近者中外齋宿爲百姓請命冀一沛澤以成麥秋卽
釋滯囚斷庶獄繪監門之圖徇烹桑之請猶未足以上叶
玄載下慰蒼生而五日之內繫兩書矜紳咋愕道路嗚邑
未聞有一臣寮敬申一疏者又安望其戡亂除兇蠲冤解

網贊浩蕩之恩成霖雨之業乎以陛下寬仁優容言路
猶且如此蓋自三百載十三宗以來未有士氣不揚隨
風茅靡至于今日者矣臣觀天下災祥繫人主之喜怒人
主喜怒係天下之安危古之聖人喜氣行于臣隣則臣隣
興作怒氣行于邊鄙則邊鄙廓清詩曰君子如祉亂庶遄
已君子如怒亂庶遄阻君子之喜怒皆以撥亂故爭于其
大不爭于其細今大猶不爭細故是競朝無一可喜之臣
則臣無一可起之事邊無一敢怒之氣則亂終無一遄阻
之日威順反施貴賤倒治是以奸昏互煽叛逆鋒起四方

潰決漸不可收。亢陽之極。至為旱災。而大小臣工。猶結舌不語。使陛下焦勞于上。百姓展轉于下。諸臣括囊其間。稍有人心。宜不至此也。臣非言官。默不違道。然受特恩。起自草莽。雖不以言自居。天下猶以言責臣。遠有韓愈陽城之嘲。近有孟軻蚍蜉之諷。自顧惕然。無以自容。其一二高識之士。猶以臣前者開政府。諉卸之端。後者堅詞林。緘默之路。負恩藏拙。遠媿古人。臣何知言。知有臣之心而已。臣自欺其心。則何以事陛下。惟立賜罷黜。以激素餐之耻。以發感恩之忠。以垂有懷不盡之戒。臣擊壤荷榮。沒齒

無怨。謹此奏聞。

靜氣醇音。如香在未煙之際。茗當無色之時。可以玄對徐味也。

瀝陳回天四要疏

十年閏四月

給事

李汝燦

臣歷觀往牒遇災而懼之主亦比比有之然引咎多屬彌
 文求言亦鮮實事未有如我皇上露禱之實惟切反躬
 祈天之誠直周民瘼凡內外大小臣工暨天潢勳戚咸與
 鏹愆淪義併慮省心如詔群臣直言又何聖不自聖如此
 也臣愚無長慮然備位諫垣何敢嘿嘿竊緣今日之旱慮
 今日之變殆非尋嘗災異也黠夷夥寇憑陵盤噬十年所
 矣天下財賦之地已空其半而渴需財賦之事猶不止僅
 望其全又值此驕陽赤地吳越楚豫燕齊之間不知幾千

萬里○是○所○未○盡○空○者○殆○將○并○盡○矣○夫○以○空○國○御○不○遺○當○黠
虜○夥○寇○呼○吸○安○危○在○此○際○是○可○不○凜○凜○寒○心○哉○臣○日○夜○思
維○天○心○降○害○惟○皇○心○用○極○可○以○默○回○則○有○執○中○之○說○在○
合○則○躬○荷○曆○數○失○則○四○海○困○窮○堯○舜○相○傳○夫○豈○欺○我○今○民
窮○極○矣○敢○謂○非○失○中○之○漸○積○今○欲○拯○民○窮○矣○可○或○忘○允○執
之○冰○競○請○自○大○廷○以○至○深○宮○目○無○偏○視○耳○無○偏○聽○心○無○偏
主○事○無○偏○持○無○偏○則○無○危○可○以○轉○禍○可○以○合○睽○蓋○天○下○大
器○猶○舟○也○舟○平○則○安○偏○則○危○宰○舟○者○實○右○而○虛○左○舟○不○得
平○幾○於○傾○覆○願○我○皇○上○鑒○之○天○下○最○苦○不○足○至○於○歛○怨

干○和○者○非○財○用○乎○財○用○別○無○足○法○獨○恃○有○政○事○國○朝○酌○軍
民○定○經○制○千○古○稱○善○不○圖○後○之○變○法○者○不○念○下○民○卒○瘁○但
云○急○當○治○標○自○軍○不○用○而○兵○設○民○始○不○得○安○其○身○自○屯○不
耕○而○餉○興○農○始○不○得○有○其○食○自○有○兵○不○練○輒○又○增○兵○而○餉
愈○難○措○自○有○餉○不○核○輒○又○添○餉○而○兵○愈○得○冒○卽○今○核○實○之
使○紛○出○而○抽○尅○兼○噬○屢○聞○清○派○之○令○日○嚴○而○占○兵○冒○軍○未
減○竭○有○盡○以○養○無○用○至○於○形○窘○勢○窮○而○窟○穴○竟○不○得○問○蒙
狗○竟○不○可○問○可○謂○有○政○事○乎○若○不○亟○簡○公○忠○幹○辦○之○臣○力
求○清○核○以○救○其○弊○協○求○長○便○以○復○其○初○竊○恐○歛○怨○干○和○當

又不止如今日者願。皇上遠慮之也。若國家忠賢實爲元氣。元氣薄則邪氣襲而成病。忠賢挫則鬱氣結而干和。故古賢君遇災必求賢良方正直言。或起公忠威望之臣。輔政立事。乃今何如也。催科迫而廉惠不汗者。輒蒙禁訊矣。法網密而百慎一踈者。動遭波連矣。告密開而高門轍。罹妖謗。端士難免。含沙矣。叅劾訛而清修輒被。讒斥。職陷。長呼獄底矣。又有賦性忠直。盡言不阿。如魏呈。澗。詹爾。選。李化龍。劉宗周等。皆以一鳴輒斥。致言路競效。括囊元氣。可無挫鬱否。今幸我。皇上下詔。疏滯獄。求直言矣。其禁。

訊被讒諸臣。旦暮當復見天日。無容再贅。獨是直臣所係。更重。所得實難。當今之世。求其爲公起見。不墮茅靡。如前諸臣。指不多屈。皇上儻赦其前。愚收之左右。則君過聞而德業必有所賴。朝廷壯而亂賊必不敢窺。其爲直言不愈多乎。昔淮南不畏弘羊。而憚汲黯。慙直無負人國。自古如此。惟我。皇上信行之也。若夫輔君德以交修。總庶官以康績。猶在相矣。相者中外安攘。賴其決策。祖法朝綱。兵權國體。賴其匡正。會推內降。賴其執爭。有技彥聖。賴其休容邪黨。諭訛。玄黃亢戰。賴其力挽。大旱賴其霖雨。今俱

混。嘿。未。有。聞。也。旅。進。旅。出。朝。夕。矻。矻。遂。足。稱。畢。業。乎。隻。字。
 出。為。絲。綸。片。語。皆。關。治。忽。必。使。擬。議。之。際。真。足。諧。至。德。而。
 符。天。心。庶。幾。批。駁。之。餘。乃。足。愜。輿。情。而。興。化。理。不。然。者。此。
 瞻。彼。顧。依。樣。葫。蘆。抑。陽。扶。陰。未。忘。偏。黨。其。貽。害。人。國。何。可。
 勝。道。蓋。自。八。九。年。間。拂。戾。干。和。之。事。始。於。揆。端。積。於。四。海。
 者。不。知。幾。許。又。何。怪。天。旱。地。拆。日。食。風。變。之。屢。見。哉。皇。
 上。而。欲。求。消。弭。政。本。之。地。猶。不。可。不。深。維。之。也。

沐浴理道體用貫洽深達治要之弘作也

奏疏卷四 終

